



**Geschichte der geistlichen Stiftungen, der adlichen
Familien, so wie der Städte und Burgen der Mark
Brandenburg**

[Urkunden-Sammlung für die Orts- und spezielle Landesgeschichte]

Riedel, Adolph Friedrich

Berlin, 1857

XCVII. Kurfürst Johann George gewährt dem Georg Heufelder ein
Privilegium zur Gründung einer Apotheke in Wriezen an der Oder, am 15.
April 1593.

Nutzungsbedingungen

[urn:nbn:de:hbz:466:1-54734](https://nbn-resolving.org/urn:nbn:de:hbz:466:1-54734)

Pitſchafft hierunter neben den vnſern tzudrücken, Als nemblich Hans Röbell tzu Egeſtorff, Wolff Röbell tzu Hohen Schönhaufen, geuettern, Arndt vnd Heinrich, gebrüder, die Röbell tzu Biegen, Chriſtoff Röbell tzu Demenitz, in vormundſchafft ſeiner Brüder, vnd Andreſs Röbell tzu Schonefleitte in vormundſchafft ſeines Brudern zachariaffen, vnd noch eins ſeines bruders, welcher vnmündig, Vnd wir obgenante geuettern, die Röbell, bekennen vns hietzu wiſſentlich vnd verpſlichten vns hiemit, das wir beneben vnſern Erben vnd nachkomen, vber dieſer Joachims vnd zachariaffen Röbells, vnſerer lieben vettern, Stiftung ſtets tzum beſtendigſten vnd vermüglichſten halten wöllen. Vrkuntlich haben wir vnſere angeborne Pitſchafft neben mehr berürten vnſern freundlichen lieben vettern vnter an dieſen brieff gedrückt vnd denſelben neben Inen vnderſchrieben, Vnd haben zu warer beſtendiger vrkunt wir Joachim vnd zacharias Röbell beide, als Stifftere dieſer vnſerer verordnung, für vns vnd vnſere Erben vnd nachkomen vnſere angeborne Pitſchafft hiermit zu ewigen gedencken an dieſe getzwiefachte ordnung gedruckt, vnd vns mit eigen handen vnderſchrieben. Geſchehen zu Bock, den erſten Maij Im Jhar nach Chriſti vnſers lieben Herrn vnd Heylandes Geburt Thauſendt Funff Hundert vnd Siebentzig.

Jochjm Robell, meyn hant.

Hans rabel, myn hant.

Arenth Roebell, meyne handt.

Zacheryes robell, myne handt.

wulff rabell, myne hant.

Henrich Robel, jhn mangelung meines ſiegeles hatt mein Bruder Arendt ahn meine ſtatt eingefigelt, meine eigen handt.

Chriſtoff Roebell vor mich vnd meynen vnmündigen Brudern hanſen bekenne jch mit meynen handſchrift.

Ich Andreas Roebell, Diederichs Roebels ſeliger ſohn, bekenne für mich vnd meine vnmündige bruder ihn mangelung meines ſigils, Zacharias, Jochim vnd hans meyn handſchrift.

Nach dem Originale im Bernauſchen Stadtarchive.

XCVII. Kurfürſt Johann George gewährt dem Georg Heufelder ein Privilegium zur Gründung einer Apotheke in Wrietzen an der Oder, am 15. April 1593.

Wir Johans George — Bekennen — Als wir angeſehen vnd erwogen, wie ein nutzlich ding es vmb Apothecken in Stedten hin vnd wieder ſey, daraus ſich Arm vndt Reich — zu erhaltung ſeines leibes gefundtheit dienſtlich an medicamentis vndt andern notturfftigen ſachen zu erholen hat, Dieſelbigen aber ohne ſonderlich privilegien vnd beſreyungen der Obrigkeit nicht wohl wurden erhalten werden können, Daſ wir demnach auf vnterthäniges bitten George Heufelders, welcher auch mit ſchwehren Vncolten eine Apothecke in vnſer Stadt Wrietzen an der Oder auffgerichtet, Ihme auch vnſer Befreyung vndt privilegium aufs gnaden mitgetheilt, alſo daſ hinfuro niemandts von Krahmern, Buttenträgern, handtwereckleuten ader andern ledigen perſonen die im Lande auff vndt nieder lauffen, etwas an gantzer oder geſtoſener gewürtz, Zucker, vberzogen oder vnberzogen, noch andern wahren vndt materialien, die man in Apothecken zue holen pſieget, auſerhalb der freyen offenen Jahrmärckte daſelbſt zu Wrietzen feil haben, verkauffen

oder damit haufiren zue lauffen macht haben foll, sondern gemelte gewürtze vnd wahren sollen allein in Georg Heufelders Apothecke daselbst gelucht vnd gekaufft werden. Was aber in den freyen offenen Jahrmerckten geschicht, soll disfalls niemandt etwas verboten sein. Do aber aufser dessen einer oder mehr vber beschehene Vorwarnung gewurtz vndt ander obgemelte wahren zu verkauffen vnd damit zue handtiren vntersehen wurde, deme oder denselben sollen solche gewurtze genommen vndt die helffte dem Raht dofelbst vndt die andere helffte dem Apothecker George Heufeldern eingewortet werden, Jedoch das ehr der Apothecker auch guete tuchtige gewurtz vnd wahren einkauffe, die Leute auch mit der bezahlung vber die gebuhr nicht vberfetze, damit sich niemandt mit fug vber ihn zue beklagen. — Dessen zu mehrer Vhrkunt vnd bekreffigung haben wir dissen brief mit vnserem Daumbsecret besiegelt. Geschehen vnd geben zu Cöln an der Spree, in den heiligen Ostern Anno 1593.

Aus einer Bestätigung vom Jahre 1614.

[Faint, illegible text, likely bleed-through from the reverse side of the page.]